

1.1 Tracts 1549.

D. SALOMO CONSTANTINVS  
TITIVS

ANATOM. ET BOTAN. PROF. PVBL. ORDIN.

ORDINIS MEDICORVM WITTEBERGENSIS

H. T.

DECANVS

ACTVM SOLEMNEM

PRO

LICENTIATI MEDICINAE

HONORIBVS

A. D. 4. SEPTBR. 1795.

CAROLO GOTTLOB STOEHRER

THVERMSDORFIO MISNICO

MEDICINAE CANDIDATO

H. L. Q. C.

HABENDVM

INDICIT.

---

*Experimentorum Ticinensium, in quibus Diabeticorum  
vrina sub examen vocatur, enarratio cum epicrisi.*

PROLVSIO I.

6. 74.

THE UNIVERSITY OF CHICAGO

LIBRARY

PHYSICS DEPARTMENT

1950-1951

RECORD OF RESEARCH

1950-1951

RECORD OF RESEARCH

1950-1951

RECORD OF RESEARCH

1950-1951

RECORD OF RESEARCH

1950-1951

RECORD OF RESEARCH  
1950-1951

**T**ractatus physico-chemicos Cl. MARABELLI, nosocomii St<sup>i</sup> Matthaei Papiensis Pharmaceuta, annis proxime elapsis, auctore conscriptos, cum nuper editione germanica in vnum volumen colligerem, (*Physisch-chemische Aufsätze zur Erweiterung der Arzneywissenschaft und Oeconomie, aus verschiedenen italienischen periodischen Werken, und dem eigenhändigen Manuscripte des Verfassers gesammelt, übersetzt &c.* Leipzig 1795. 8.) magnopere laboravi, vt Eiusdem experimenta, quibus vrinam diabeticorum exploraret, huic ipsi volumini infererem, atque hac occasione publici iuris facerem. Sed tum temporis in promptu non habebam. Nunc, vbi copia illorum mihi facta est, vt, ante quam opusculorum continuatio prodeat, discamus, qualis huius vrinae natura sit, venit in mentem, hunc libellum: *Sui principj e sulle differenze dell'orina in due specie di Diabete, confrontata colla naturale*, prolusione academica euulgare, atque rationes eorum, quae per experimenta constant, declarare. Exstat quidem in commentariis eruditis (*Salzburg. Medicin. Chirurg. Zeitung* 1794. B. I. S. 113. et *Allgemeine Litteratur. Zeitung* 1795. n. 151. S. 447.) succincta eorum expositio; nihilominus tamen me inanem suscepturum esse operam haud credo, si haec ipsa tentamina, quae naturam morbi egregie illustrant, non quidem solum latine redderem, sed ea, quae ex iis sequuntur, manifesto eruerem. Etenim, quum repetita vice haec susciperet amicissimus MARABELLI, ego coram fui, atque verissima omnino esse, quae super iis exposuit, partim re ipsa, partim corporibus, per inspissationem vrinae productis, probare possum, quorum quippe haud exiguam partem asseruo: videlicet et materiae saccharaceae impurae, odorem vrinofum spargentis, et veri sacchari, puri, ex vrinaeducti, et ipsius acidi saccharini inde extricati, aliquot specimina apud me extant. Horum mihi copia quam largissime facta est.

Quod igitur ad scriptionis huius argumentum attinet, accurata morbi diabetis notio, eiusque species proponuntur; tum quomodo



vrina aegrotorum a sana differat, examine chemico et Cl. MARABELLI, et aliorum fide dignissimorum virorum, expenditur, denique probabilis de natura huius morbi sententia ex illis deducitur.

Vrinae effluxus admodum auctus, copiam potus longe superans, chronicus, vires depascens, maciemque totius corporis subinde efficiens, praecipua diabetis signa constituunt. Praeter morbi enim diuturnitatem, qua vires successiue imminuuntur, ad lotii, tum quantitatem, tum qualitatem, in primis attendendum est. Pro diuersa vrinæ qualitate plures diabetis formare sibi pathologi solent species. Habent insipidum, dulcem siue mellitum et chylosum. Postremus quidem, etsi a nonnullis, iisque fide dignissimis, obseruatus sit, atque ob colorem albidum, emulsioni similem, lacteus, ab admisto, vt putant, chylo, chylosum audiat; veram tamen diabetis speciem constituere non videtur. Varia enim sunt, quae hunc colorem efficiunt, vt mucus, materia purulenta admista, cuius frequens excretio omnino corpus debilitare debet. Hinc CVLLENIVM sequamur, qui duas modo diabetis veri species, alterum mellitum, alterum insipidum habet. Vtramque tum habitu externo, tum intima partium compositione differre, experimentis Marabellianis, auctoritate Ill. FRANKII in instituto clinico Ticinensi susceptis, optime, vt in sequentibus patebit, comprobatur.

Primo igitur, quid MARABELLI de vrina diabetis melliti obseruatione et tentamine didicit, ordine expromamus. Aegrotus hic, quem D. RAGGI, Prof. Pathol. Ticinens. meritisissimus, in nosocomio maiori curae habebat, primis, quos ibidem transegit diebus, viginti octo libras huius vrinæ dulcissimae intra diem excreuit. Medicamentorum tamen, aluminis praesertim, atque tincturae cantharidum vsu, illius quantitas ad tres et quatuor libras intra diei noctisque spatium decreuit, saporem dulcem subinde amisit, et aegrotus fere sanatus, tandem lectum reliquit.

*Exp. 1.* Odor lotii huius recens emissi non absimilis fuit odori iusculi carnei, in acorem vergentis; color pellucidus, subcitrinus, sedimentum nullum; sapor vere dulcis, postremo paullulum salus et stimulan.

*Exp. 2.* Acidi praesentiam tum tinctura heliotropii, tum aqua calcis, et haec quidem, cum calx phosphorata subsideret, naturam  
acidi





acidi huius phosphoricam docuerunt. Hoc ipso aquae calcis connubio, gratus urinae conciliatus est sapor, et ea quodammodo pars periit, quae primum acri stimulo linguam punxit.

*Exp. 3.* Acida porro mineralia et oxalinum, quemadmodum alcalia tum pura, tum acido carbonario iuncta, nihil in hoc lotio mutarunt, praeterquam quod post aliquot dies parum materiae albae, terrestres, fundum peteret. Quae quidem substantia omnino, ut infra patebit, peregrina est, et terram aluminis constituit.

*Exp. 4.* Solutio mercurii nitrosa exiguum sediminis albi quantitatem in hoc lotio deiecit, cum eadem ex hominis sani urina rosam mineralem separet. Hoc ergo praecipitatum, quod rosae mineralis nomine insignitur, vix adeo, ut nonnulli statuunt, mercurium phosphoratum et salitum sibi iunctum, sed aliam potius habere causam videtur. Urina enim diabeticorum dulcis, licet haec duo acida, quamvis minore quantitate, contineat, minime tamen eiusmodi sedimentum praebet. (Nonne vero in hoc experimento aliquid terrae aluminis tribuendum?) Ex aliis quidem Marzbellianis tentaminibus admodum probabile videtur, acidum muriaticum et phosphoratum, siue sali communi, siue sodae phosphoratae, siue ammoniaco phosphorato insit, cum mercurio, in acido nitri soluto, nunquam roseum praecipitatum edere.

*Exp. 5.* In temperie 18 graduum thermometri Reaum. lotium hoc recens emissum, vase ad arcendas impuritates tenui charta tecto, post duos dies vesiculas copiosas, fluido, gas quod dicunt, carbonario plenas, emittit; idem euasit turbidum filamentis in medio haerentibus; leuem odorem vinosum dispersit, atque motus partium internus manifestae, sensimque auctae fermentationis, in quam massae, acidum saccharinum continentes, tendunt, signa prodidit. Sapor dulcis iam in acidum abit, acore crescente subinde dulcedo perit; virtus, calcem aqua solutam, sub calcis forma phosphoratae, in fundum demittendi, minuitur tandem, que plane cessat, cum acidum phosphoricum liberum antea, nunc inuolutum, et quasi obtusum, lotio inesset. Duodecim diebus elapsis, acidum fermentatione effectum, adeo forte fuit, ut cum alcali vegetabili carbonario insigniter efferuesceret, quo ipso momento odor ammoniacalis, antea in lotio recente non observatus, sentitur. Post 24 dies sensim minuitur acidum, et manifesta ineuntis putredinis signa sub-



subsequuntur; qua, tribus aliis diebus praeterlapsis; finita, ultimum fermentationis stadium lotium subierat. Ingratissimum nunc odorem reddit, tincturam heliotropii non amplius rubefacit, sed eidem, per acida rubefactae, pristinum colorem, caeruleum, restituit. Sapor nec dulcis, nec acidus, sed falsus atque nauseosus. Cineres clavellati, carbonum acorem habentes, odorem ammoniacalem, eumque sortem, et nares torquentem, fecerunt. Qui quidem ex salis ammoniaci copia deriuandus est, quod ab alcalino sale, ex lotio subinde secreto,<sup>3</sup> per duorum acidorum, partim phosphorici puri, liberi (Exp. 2.), partim, per fermentationem acidam, acetosi, coniunctionem, originem duxit. Materia filatim distracta, quae fermentationis initio, tum lotio innatauit, tum eidem inhaerens, funditus deiecta, et in materiam mucosam versa, aqua soluebatur, atque igni exposita, odore panis adusti combussit.

*Exp. 6.* Nouem eiusdem lotii librae, ad dimidiam partem igne euaporatae, in balneo arenae subinde ad syrupi consistentiam redactae sunt. Sapor nunc admodum dulcis, color oxymelli similis, odor ammoniacalis nullus, consistentia massae post refrigerium eadem, quin leni et naturali quinque dierum euaporatione, densior facta, melli grumoso simillima. Ea quidem materia, quinque uncias cum septem drachmis pendit, sapore dulcis, aqua frigida facillime soluebatur, carbonibus ardentibus iniecta intumuit, flammam cepit, sub combustione odorem saccharo proprium diffilauit, aliasque veri sacchari crudi proprietates, ulterius explorata, praebuit, solo odore, quem spirauit, leni ammoniacali excepto. Cum vero pars saccharina materia extractiua saponacea plane implicata et inquinata videretur, per repetitam cum spiritu vini alcoholisato digestionem depuranda fuit. Quo quidem artificio saccharum longe dulcius, quam materia ante dicta, omnis odoris ammoniacalis plane expers, et albedine saccharo albo, depurato, quod venale habetur, prorsus simile, paratum est. Ulteriori examine, nulla alia crystallorum salinarum vestigia detecta fuerunt; quarum quidem praesentiam non plane negauerim, sed ob minorem quantitatem minus comprobata est.

Subsistendum nunc est in argumenti huius enarratione et reliquis Cl. MARABELLI tentaminibus, simulque nostris inde ducendis rationibus



tionibus alius tribuendus locus est, quem proxima scribendi occasio nobis faciet. In praesens enim commendandus

VIR PRAENOBILISSIMVS, DOCTISSIMVS

CAROLVS GOTTLOB STOEHRER

THVERMSDORFIO MISNICVS

MEDICINAE CANDIDATVS,

qui ipsa nobis res ad vitam et studia sua spectantes, more recepto, hac ratione exposuit:

*E*go, CAROLVS GOTTLOB STOEHRER, *Thuermsdorfio-Misnicus*, natus sum d. 25. Novembr. anni 1768. a patre IOANNE CHRISTOPHORO, murorum arcis Koenigsteinensis politore, matre vero IOANNA DOROTHEA e gente HOLFELDIANA, quos optimos, et plurimum de me promeritos, parentes viuos adhuc omni pietate veneror. Prima literarum rudimenta posui sub OPITZIO, Ludi magistro Stroppensi; anno vero aetatis decimo tertio, 1781. a Patre, ad Chirurgiam discendam traditus sum Dn. DROSKI, tunc praesidii Koenigsteinensis, iam Legionis pedestris DE WINKEL chirurgus supremo, quo per 4 annos doctore usus sum. Tempore tirocinii transacto, per unum dimidiumque annum lectiones medico-chirurgicas, quae Dresdae habentur, frequentavi et paullo post a. 1787. munere Chirurghi militaris in Legione pedestri VON DER HEYDE, mihi demando, per septem annos Lipsiae, et Delitzschii, versatus sum. Ex his Dresdae annum integrum consumsi, ut, more consueto, scholas medico-chirurgicas ibidem adirem. Quo consilio omnibus, quae in hoc instituto medico-chirurgico proponuntur, doctrinis, ductu Virorum Exper. studui; et Therapiam quidem in scholis Exper. DEMIANI; Materiam medicam b. WAGNERI et TITII; Anatomiam et Physiologiam HAENELII, Chirurgiam WILDII Chirurghi Exercituum Saxoniorum supremi, edidici. Cum laude e legione dimissus Dresdae de studiis medicis ulterius excolendis cogitavi. Gratissimo animo repeto institutiones obstetricias Dn. WEISSII, magistri Scholae obstetriciae, quae Dresdae floret, dexterrimi, neque minori utilitate adstiti demonstrationibus anatomicis et cadaverum dissectionibus Dn. OHLE, Theatri anatomici Dresdani tunc Professoris,

nunc





nunc Chirurghi supremi Legionis pedestris b. de WIEDEMANN. Ad studia academica hac ratione praeparatus, in Academiam Vitebergensem me contuli, ibique a Magnif. HOMMELIO d. 4. Mens. Maii in numerum civium academicorum receptus sum. Ex quo tempore lectionibus et literariis et medicis Doctorum clarissimorum magno cum fructu interfui. Nimirum logicis Praecl. M. ROSENHAHN, Ord. Philos. Adiuncti: Historiae naturalis Excell. TITII, Phys. Prof. P. O. Therapeuticis Experient. D. BOEHMERI, Academ. Senioris Venerandi; chemicis, botanicis, pathologicis, et medico-legalibus, D. TITII. Quibus Viris omnibus, Praeceptoribus de me meritissimis, maximaque pietate colendis, gratias ago habeoque perpetuas.

Haud vulgari vero cum diligentia Candidatum Dignissimum ad studia medica incubuisse, nobis, tum per hoc semestris spatium, quo scholas nostras adiit, tum in examine, praeterito mense cum Ipso instituto, optime comprobavit. Precibus igitur Eiusdem humanissimis eo lubentius annuimus, veniamque concedimus, ut dissertationem inauguralem proprio Marte conscriptam:

*De Paragoniphoseos remediis, praesertim forcipis utilitate,*

publice ventiletur, atque hoc specimine sibi honores Licentiati Medicinae pararet. Destinata huic actui disputatorio solenni dies Veneris proxime instans, d. 4. Septembr. quo sub Praesidio Viri Experientissimi, Collegae Aestumatissimi, D. GEORGH RVDOLPHI BOEHMERI, Academiae nostrae Senioris Venerandi, cathedram ascendet. Nihil vero magis in votis habeo, quam ut VESTRO, RECTOR ACADEMIAE MAGNIFICE, ILLUSTRISSIMI COMITES, PROCERES VTRIVSQUE REIPUBLICAE GRAVISSIMI, UNIVERSITATIS NOSTRAE CIVES GENEROSISSIMI, PRAENOBILISSIMI, favore, atque frequentia, huius diei festiuitas splendidior reddatur,

P. P. Dom. 13. post Fest. Trinit. 1795.